



ЁШЛАР ЎРТАСИДА V ПАРАОСИЁ ЎЙИНЛАРИ ҒОЛИБЛАРИ – ЎЗБЕКИСТОН СПОРТ ДЕЛЕГАЦИЯСИ АЪЗОЛАРИГА

Қадрли қаҳрамон ўғил-қизларим!
Хурматли устоз-мураббийлар!
Муҳтарам ота-оналар!

Аввало, барчангизни V Ёшлар Параосиё ўйинларида эришилган улкан тарихий ғалаба билан чин қалбимдан самимий муборакбод этаман.

Бирлашган Араб Амирликларининг Дубай шаҳрида қўшма қўшма 35 та давлатидан келган 1 минг 500 нафардан зиёд спортчилар ўртасида бўлиб ўтган ғоят кескин беллашувларда сизлар жасорат ва матонат фазилатларини намоён этиб, мусобақаларнинг чинакам қаҳрамонларига айландингиз ва Ўзбекистон паралимпия ҳаракати тарихида яна бир ёрқин саҳифа олдингиз.

Ушбу нуфузли спорт анжуманида сизларни кўп миллатли бутун халқимиз қўллаб-қувватлаб, барчангизга зафар ва омадлар тилаб турди.

Ана шундай юксак ишончини шараф билан оқлаб, 99 та олтин, 57 та кумуш, 41 та бронза медаль билан умумжамоа ҳисобида Осиё қитъасида 1-ўринни эгаллаб, ғолиблик шохсупасига кўтарилганингиз муборак бўлсин!

Турнир давомида Ўзбекистон маҳияси қарийб 100 марта янграгани сизларнинг Ватанимиз шухратини дунёга тараннум этишга қандай беқисс ҳисса қўшганингиздан далолатдир.

Сизлар улкан азму шижоатингиз, букилмас ирода ва интилишингиз билан Осиёнинг миллий спорти жадал ривожланаётган Эрон, Япония, Таиланд, Индонезия каби давлатлари жамоаларини ҳам ортда қолдиришга муваффақ бўдингиз.

Ўзбекистон Параосиё ўйинлари тарихида бундай рекорд натижа, бундай буюк зафар илгари ҳеч қачон бўлмаган эди. Ҳеч шубҳасиз, сизлар юртимиз спортида шонли тарих ва аъёнлар яратётган ёшлар, моҳир мутахассислар сифатида юксак тахсин ва тасанноларга муносибсиз.

Бутун халқимиз, жонажон Ватанимиз сизлар билан фахрланади. Сизлар Ўзбекистон паралимпия ҳаракатининг олтин авлоди, олтин вакилларибиз.

Бундай қаҳрамон ёшларимизга шон-шарафлар бўлсин!

Айниқса, пара пауэрлифтингчи ўғил-қизларимиз Бахриддин Холбўтаев, Элбек Фарҳодов, Ойшажон Ражаббоева, Рухшона Ўқтамова ўз вазн тоифаларида жаҳон рекордини, Нурилло Инобиддинов, Эзоза Абдужабборова, Азизбек Пердебаев, Рухшона Ўқтамова, Зиёдаҳон Боқижонова, Зухра Юлдашева, Гулжон Немагуллаева эса Осиё рекордини ўрнатганларини алоҳида таъкидлаш лозим.

Яна бир муҳим тарихий натижа — спортчи қизларимиз Мадина Мухторова, Фароғат Мухаммадқулова, Моҳичехра Ибрагимова пара енгил атлетиканинг ядро ва найза улоқтириш дастурлари доирасидаги мурасиз баҳсларда рақибларига мутлақо имконият қолдирмасдан бутун медаллар жамланмасини Ўзбекистонга олиб келдилар.

Буларнинг барчаси — сизларнинг тинимсиз меҳнатингиз, букилмас иродангиз, истисдод ва маҳоратингиз, қолаверса, юртимизда инсон қадрини амалда таъминлашга қаратилган тизимли ишларингиз натижаси, десак, айни ҳақиқатни айтган бўламиз.

Сизлар эришган улкан зафар Янги Ўзбекистон ёшлари қандай катта марраларни эгаллашга қодир эканини амалда яна бир бор кўрсатгани билан ҳам ғоят аҳамиятлидир. Бу ғалаба, ҳеч шубҳасиз, минглаб ёшларимизга гурур ва ифтихор, интилиш ва илҳом манбаи, катта тажриба мактаби бўлиб хизмат қилади.

Фурсатдан фойдаланиб, сизларни мана шундай баҳодир, доврорак ва пахлавон фарзандлар этиб тарбиялаган, эзгу интилишларингизни доимо қўллаб-қувватлаб келаётган ота-оналарингиз, моҳир ва жонқуяр мураббийларингизга, барча мухлисларингизга чин дилдан миннатдорлик изҳор этаман.

Азиз спортчи ўғил-қизларим,
Қадрли мураббийлар!

Хабарингиз бор, яқинда мамлакатимизда Паралимпия ҳаракатини янада ривожлантириш бўйича махсус қарор қабул қилди.

Ишончим комил, ушбу қарор сизларнинг келгуси фаолиятингиз учун қўшимча равишда янги шариқ ва имкониятлар яратиш, спорт оламидаги ютуқларингиз салмоғини янада оширишга хизмат қилади.

Яна бир муҳим жиҳати — сўнгги йилларда Ижтимоий ҳимоя миллий агентлигини тузиб, алоҳида Адаптив спорт турлари ассоциацияси фаолиятини йўлга қўйдик.

Шунингдек, ушбу тизимда Матонат мактаби ҳамда соҳада мутахассислар тайёрлаш бўйича институт ташкил қилдик.

Натижада адаптив спорт турларидаги йўналишлар сони 89 тага етказилиб, юртимиз маҳаллаларида ушбу спорт турлари билан доимий шугулланувчилар сони 45 мингдан ошди.

Юртимизда инклюзив жамият барпо этиш, ногиронлиги бўлган шахсларнинг ижтимоий мослашувини таъминлашга қаратилган ислохотларимиз албатта изчил давом эттирилади.

Ватанимизга юксак меҳри ва садоқати, мустақкам ирода ва матонат билан миллионлаб фарзандларимизга ўрнатилган сизлардек қаҳрамон ўғил-қизларимиз Ёшлар ўртасидаги Параосиё ўйинларида қўлга киритган тарихий ғалабангиз билан яна бир бор чин қалбимдан қўллаб-қувватлаб, барчангизга сиҳат-саломатлик, келгуси фаолиятингизда улкан омад ва зафарлар тилаймиз.

Шавкат МИРЗИЁЕВ,

Ўзбекистон Республикаси Президенти

КАПИТАЛ БОЗОР ВА БАНК СОҲАСИДА ЯНГИЧА ЁНДАШУВЛАР

Президент Шавкат Мирзиёев капитал бозорини янада ривожлантириш ҳамда банк соҳасида халқаро стандартларни жорий этишни жадаллаштириш юзасидан тақдирот билан танишди.

Бугунги кунда муомаладаги қимматли қоғозларнинг бозор қиймати 275 триллион сўмни ташкил этиб, биржада эркин муомаладаги қимматли қоғозлар ҳажми 4 триллион сўмга етди, бозорда 717 та эмитент ва 77 та профессионал иштирокчи фаолият юритмоқда.

Шу билан бирга, капитал бозорининг капиталлашув ҳажми ялпи ички маҳсулотга нисбатан 20 фоизни ташкил этиб, жаҳон кўрсаткичларидан анча паст экани, мазкур соҳада ҳали катта салоҳият мавжудлиги кўрсатиб ўтилди.

Шу муносабат билан маҳаллий капитал бозорига камида 1 миллиард доллар инвестиция жалб қилишга қаратилган чора-тадбирлар муҳокама қилинди.

Жумладан, маҳаллий ва хорижий фонд биржаларида халқаро стандартлар асосида қимматли қоғозларни жойлаштириш — “дуал листинг” амалиётига рухсат бериш, шунингдек, валюта облигациялари, глобал депозитар тилхатлар, хорижий қимматли қоғозлар ҳамда биржа инвестиция фондлари каби янги молиявий инструментларни жорий этиш режалаштирилган.

Давоми 2-бетда

СУВ ХЎЖАЛИГИДАГИ ДОЛЗАРБ МАСАЛАЛАР МУҲОКАМА ҚИЛИНДИ

Президент Шавкат Мирзиёевга 15 декабрь куни сув хўжалигида энергия самарадорлигини ошириш, илмий салоҳиятни ривожлантириш ва халқаро ҳамкорликни мустақкамлаш ишлари юзасидан ахборот берилди.

Аввало, эскирган ва энергия сарфи юқори насос агрегатларини замонавий, энергия тежамкорларига алмаштириш бўйича режалар кўриб чиқилди.

Масалан, Қорақалпоғистон Республикасида 274 та насос станцияси мавжуд бўлиб, улар орқали 185 минг гектардан ортиқ ер майдонлари суғоришмоқда. Станциялардаги насос агрегатларининг ярмидан кўпи 1979 йилдан буён ишлаб чиқарилган ускуналардан иборат, уларнинг энергия сарфи замонавий насосларга нисбатан 2-3 баробар юқори.

Кейинли тўғрисида эски агрегатлардан бири замонавий энергия тежамкорига алмаштирилганда, электр энергиясининг сарфи икки баробарга камайган.

Ушбу ижобий тажрибадан келиб чиқиб, Қорақалпоғистондаги 276 та насосни босқичма-босқич замонавий энергия тежамкор агрегатларга алмаштириш режалаштирилган. Натижада йиллик 25 миллиард сўмга тенг электр энергияси иқтисод қилиниши ва лойиҳа сарф-харажатлари 14 ой ичида ўзини оқлаши таъкидланди.

Давоми 2-бетда



ЎЗБЕКИСТОН ПАРАЛИМПИЯ ҲАРАКАТИНИНГ ОЛТИН АВЛОДИ ХАЛҚИМИЗ, ЖОНАЖОН ВАТАНИМИЗ СИЗ БИЛАН ФАХРЛАНАДИ

Ифтихор

ШОНЛИ ТАРИХДАН ШАРАФЛИ КЕЛАЖАК САРИ

Президентимиз “Паралимпия ўйинлари — бу чинакам ирода, жасорат ва матонат, эзгулик ва гуманизм намоиши, десак, тўғри бўлади”, деган эди.

Янги Ўзбекистон эзгулик ва гуманизмга асосланган йўлда қатъий позиция билан олға бормоқда. Бу фактни “Дубай — 2025” ёшлар параосиё ўйинларида ёш спортчиларимиз яна бир қарра исботлади. Жамоамиз 99 та олтин, 57 та кумуш ва 41 та бронза медални қўлга киритиб, тарихий натижага эришди. Осиё спортида жадал ривожланаётган Эрон, Япония, Таиланд, Индонезия каби давлатларни ортда қолдириб, умумжамоа ҳисобида 1-ўринни эгаллади. Шу орқали ёшларимиз пара спорт тарихида янги саҳифа очди.

Давоми 3-бетда

Яқунига етиб бораётган 2025 йил янги Ўзбекистон тарихида яна бир саҳифа очди. Спортчиларимиз Бирлашган Араб Амирликларининг Дубай шаҳрида V Ёшлар Параосиё ўйинларида тарихий ғалабага эришди. Шу орқали улар бир неча рекордларни янгилаб, Осиё қитъасида 1-ўринни эгаллади.

Паралимпия тарихидаги шонли ғалабага эришган спортчилар “Тошкент-Хумо” халқаро аэропортида кутиб олинди.

“Олимпия шаҳарчаси”да ташкил этилган тақдирлаш маросимида Ўзбекистон Республикаси Президенти Шавкат Мирзиёевнинг V Ёшлар Параосиё ўйинларида иштирок этган ёш пара спортчиларимизга йўлаган табригини Олий Мажлис Сенати Раиси Танзила Норбоева ўқиб эшиттирди.

Давоми 3-бетда

“Саодат” журналининг 100 йиллигига

Кун кеча пойтахтимиздаги Ёшлар ижод саройида “Саодат” журналининг 100 йиллигига бағишланган тантанали тадбир бўлиб ўтди. “Бир асрлик маърифат байрами” мавзусида ташкил этилган маросимда давлат ва нодавлат ташкилотлар, кенг жамоатчилик вакиллари ҳамда журнал мухлислари иштирок этди.

КЎНГИЛЛАРГА МАЪРИФАТ, АДАБИЁТ ВА ТАРБИЯ УЛАШГАН НАШР

Бир асрлик фаолияти давомида “Саодат” журнали саҳифаларида мамлакатимиз, умуман, Шарқ аёлларининг ҳаёти, ижоди, эришган ютуқлари, ташаббус ва ихтиролари, қолаверса, турмуш машаққатлари орасида кечган қувонч ва изтироблари халқчил услубда ёритиб келинмоқда.

Журналнинг илк сони 1925 йил 1 декабрда “Янги йўл” номи билан чоп этилган. Кейинчалик у турли йилларда “Ёрқин турмуш”, “Ёрқин ҳаёт”, “Ўзбекистон хотин-қизлари” номи билан нашр қилинган. Мамлакат аёл-қизларининг интилиши ва истагига ҳамоҳанг тарзда 1966 йилдан ушбу нашр “Саодат” деб

юритилди. Мустақилликдан сўнг журнал фаолиятида янги давр бошланди. Унга янги нафас кириб келди, мазмунан янги мавзулар билан бойиди.

Тантанали тадбирда Бош вазир ўринбосари, Оила ва хотин-қизлар қўмитаси раиси Зулайхо Маҳкамова “Саодат” журнали ижоди жамоасини қўтлуг сана билан самимий қўтлар экан, бир аср давомида нашр ўзбек хотин-қизларининг маънавий-маърифий камолоти, жамиятдаги ўрни ва фаоллигини юксалтиришга садоқат билан хизмат қилиб келаётганини хусусида сўз юритди.

Давоми 6-бетда



МУВОЗАНАТНИ ТАЪМИНЛОВЧИ КУЧ ИҚТИСОДИЙ ЎСИШ ВА АҲОЛИ ФАРОВОНЛИГИ ОМИЛЛАРИ

Хусусий сектор Ўзбекистон иқтисодий трансформациясининг замонавий бозор тизимини шакллантириш, барқарор ўсишни таъминлаш ва фуқаролар фаровонлигини оширишга қаратилган асосий таркибий қисмидир. Сўнгги йилларда айнан тадбиркорлар фаоллиги иқтисодий тараққиёт, бандлик ва инновацион ривожланишнинг энг муҳим омиллигига айланган. Бу эса бизнес ва хусусий ташаббус иқтисодиётни модернизация қилишнинг асосий ҳаракатлантирувчи кучи сифатида намоён бўлаётган глобал тенденцияларга мос келади.

Ҳаракатлар стратегияси, Тараққиёт стратегияси ҳамда “Ўзбекистон — 2030” стратегияси доирасида қўлай бизнес муҳитини яратиш бўйича кенг қўламли чоралар кўрилди. Муҳим босқичлардан бири сифатида Бизнес-омбудсман институти таъсис этилди ва унинг фаолиятини тартибга солувчи қонун қабул қилинди. Бу, ўз навбатида, тадбиркорлар манфаатининг тизимли ҳимоясини таъминлади.

Шу билан бирга, бизнесни рўйхатдан ўтказиш қонди соддалаштирилди, режасиз текширувлар бекор қилинди ҳамда ер участкаларини ажратиш тартиби такомиллаштирилди. Пировардида мазкур ўзгаришлар туфайли маъмурий тўсиқлар камайишига ва тадбиркорлик тизими фаоллашувига эришилди.

Давоми 4-бетда



КАПИТАЛ БОЗОР ВА БАНК СОҲАСИДА ЯНГИЧА ЁНДАШУВЛАР

Бошланиши 1-бетда

Тадкимотда “тартибга солиш қумдо-ни” ҳуқуқий режимини кенгайтиришга алоҳида эътибор қаратилди.

Ушбу механизм доирасида қумдон шартларини нафақат норезидентлар, балки резидентлар учун ҳам татибқ этиш, хорижий инвесторлар учун муддатсиз амал қилишини белгилаш, шунингдек, чет эл компанияларининг акциялари, облигациялари ва бошқа қимматли қозғолар билан савдо қилишга рухсат бериш тақлиф қилинди. Бу хорижий қимматли қозғоларнинг норасмий савдосини қисқартиришга хизмат қилиши таъкидланди.

Маҳаллий инвесторларни капитал бозорига фаол жалб этиш бўйича тақлифлар кўриб чиқилди.

Бунда маҳаллий компания ва банкларга Тошкент фонд биржасида хорижий валютада облигациялар чиқаришга рухсат бериш орқали ташки бозорга чиқмасдан туриб валюта маблағларини жалб қилиш имкониятлари яратилиши қайд этилди.

Шунингдек, эмитентларга ўз капитал ҳажмидан ортиқ, таъминотсиз облигациялар чиқариш имкониятини яратиш орқали облигациялар бозорини кенгайтириш мумкинлиги таъкидланди.

Капитал бозорида назорат ва тартибга солиш тизимини такомиллаштириш масалалари ҳам кўриб чиқилди.

Миллий қонунчиликни Қимматли қозғолар комиссиялари ҳалқаро ташкилот талабларига мослаштириш, регулятор ваколатларини кучайтириш, шунингдек, профессионал иштирокчиларнинг устав капиталига қўйиладиган талабларни босқичма-босқич ошириш режалари тақдимот қилинди.

Банк соҳасидаги ислохотлар доирасида сўнгги етти йилда тижорат банкларининг активлари 5,3 баробар ўсиб, 877 триллион сўмдан ошгани, банкларнинг сони 35 тага етиб, 2017 йилдан бери 3 та хорижий банк Ўзбекистонда фаолиятини йўлга қўйгани таъкидланди.

Мамлакатимиз илк бор Халқаро валюта жамғармаси ва Жаҳон банкининг Молиявий секторни баҳолаш дастурида иштирок этди, унда банк назорати,

рискларни бошқариш, тўлов тизимлари, макропруденциал сиёсат ва инқирозларни бошқариш каби йўналишлар баҳоланди.

Баҳолаш натижаларидан келиб чиқиб, келгуси йилда Ўзбекистон молия секторини Базель кўмитасининг Самарли банк назорати бўйича 29 та асосий тамойилига тўлиқ мослаштириш белгиланган. Бу мақсадда барча тижорат банкларида молиявий ҳисоботларни тўлиқ халқаро стандартлар асосида юритиш, Базель III стандартларини жорий қилиш, Ҳукумат ва Марказий банк иштирокида Молиявий барқарорлик кенгашини ташкил этиш вазифалари белгиланди.

Давлатимиз раҳбари капитал бозори ҳамда банк соҳасидаги ислохотлар иқтисодийни барқарор молиялаштириш, хусусий сектор улушини ошириш ва халқаро инвестицияларни фаол жалб этишда ҳал қилувчи аҳамиятга эга эканини таъкидлаб, белгиланган вазифалар юзасидан мутасаддиларга аниқ топшириқлар берди.

ЎЗА

СУВ ХЎЖАЛИГИДАГИ ДОЛЗАРБ МАСАЛАЛАР МУҲОКАМА ҚИЛИНДИ

Бошланиши 1-бетда

Бу борада маҳаллий ишлаб чиқарувчиларни қўллаб-қувватлаш муҳимлиги кўрсатиб ўтилди.

Шунингдек, Тошкент ирригация университетида эришилган натижалар ва келгусидаги режалар тўғрисида маълумот берилди.

Ҳозирги кунда университетда 8682 нафар талаба тахсил олмоқда, 571 нафар профессор-ўқитувчи фаолият юритмоқда, илмий салоҳият даражаси 73,5 фоизи ташкил этади.

Университет халқаро рейтингларда юқори натижаларга эришиб, “THE World University Rankings 2026” рейтингида дунё университетлари орасида 501-ўринни, Марказий Осиё ва Кавказ-зорти мамлакатлари бўйича 2-ўринни, Ўзбекистонда 1-ўринни эгаллади, “QS World University Rankings 2026” натижаларига кўра эса 469-ўринга кўтарилди.

Ўтган йилда университет ҳудудида 200 ўринли замонавий АТ маркази барпо

этилди, рақамли кутубхона ва регистратор офиси фаолияти йўлга қўйилди. Университетнинг таълим йўналишлари беш йил муддатга халқаро аккредитациядан ўтказилди. Ўқув жараёнига дунёнинг ТОП-300 талиғидаги университетларни битирган юртдошларимиз ва хорижий профессорлар жалб қилинган.

Келгусида иқлим ўзгаришини таҳлил қилиш учун рақамли технологияларга асосланган миллий платформа яратиш, университет ҳудудида космик кузатув станциялари барпо этиш, сунъий йўлдош маълумотларини қабул қилиш инфратузилмасини ривожлантириш режалаштирилган.

Шунингдек, университетнинг “Сув дипломатияси” магистратура йўналишига халқаро мақом бериш кўзда тутилган. Давлатимиз раҳбари Тошкент ирригация университетини дунёнинг ТОП-300 талик университетлари қаторига киритиш бўйича аниқ чора-тадбирлар ишлаб чиқишни топширди.

Тақдимотда халқаро ҳамкорлик масалаларига ҳам алоҳида эътибор қаратилди.

Қайд этилганидек, сўнгги ойларда Тошкент шаҳри ичимлик суви ва оқова хизматларини яхшилашга бағишланган биринчи Марказий Осиё конференцияси ҳамда Сув кодексининг кучга киришига бағишланган халқаро конференцияга меъзобонлик қилди.

Ушбу тадбирларнинг мантиқий давоми сифатида келгуси йил март ойида Тошкент халқаро сув ҳафталигини ўтказиш режалаштирилгани маълум қилинди. Форум халқаро институтлар ва минтақа мамлакатлари билан ҳамкорлигини мустаҳкамлаш, сув ресурсларидан оқилона фойдаланиш ва “яшил” технологияларни жорий этиш бўйича мулоқот майдони бўлиб хизмат қилади.

Ушбу тадбирни юқори савияда ўтказиш ва келгуси йилда Оролбўйи ҳудудида сув тежаш технологияларига бағишланган халқаро форумга пухта тайёргарлик кўриш юзасидан кўрсатмалар берилди.

ЎЗА



ЎШ ШАҲРИДА АЛИШЕР НАВОИЙ ҲАЙКАЛИ ВА УНИНГ НОМИ БИЛАН АТАЛГАН ШОҲКЎЧА ОЧИЛДИ

Ўш шаҳрида буюк ўзбек шоири, мутафаккир ва давлат арбоби Алишер Навоий ҳайкали ва унинг номи билан аталган шохкўчанинг очилиш маросими бўлиб ўтди.

Ушбу маросимда қатнашиш учун Ўзбекистон Республикаси маданият вазири Озодбек Назарбеков бошчилигида Андижон вилояти ҳокимлиги, Ўзбекистон Ёзувчилар уюшмаси, Алишер Навоий номидаги Тошкент давлат Ўзбек тили ва адабиёти университети вакиллари ҳамда мамлакатимиз элчиси Саидикром Ниёзхўжаевнинг Ўш шаҳрига ташрифи амалга оширилди.



Ўзбекистонлик меҳмонларни қирғиз — ўзбек давлат чегарасидаги “Достук” чегара-ўтиш пунктида Қирғизистон маданияти, ахборот ва ёшлар сиёсати вазири ўринбосари Аскарали Мадаминов, Президентнинг Ўш вилоятидаги ваколатли вакилининг 1-ўринбосари Ильяз Тошбоев, Ўш шаҳри мэри Женишбек Токторбоев ва бошқа расмий шахслар тантанали равишда кутиб олди.

Алишер Навоий шохкўчаси ва ҳайкалнинг очилиш маросимида Қирғизистон Президентининг Ўш вилоятидаги ваколатли вакили Аманкан Кенжебоев бошчилигида давлат ва жамоат ташкилотлари вакиллари, Ўзбекистон делегацияси ҳамда турли ОАВ ходимлари иштирок этди.

Тадбир Алишер Навоий ҳайкалинини очиш ва унинг пойига гулчамбарлар қўйиш маросими билан бошланди. Шундан сўнг иштирокчилар эътиборига ўзбек ва қирғиз санъаткорлари томонидан тайёрланган, Алишер Навоий ижодини акс эттирувчи саҳна кўринишлари ва унинг ғазалларига басталанган қўшиқлардан иборат концерт дастури тақдим этилди.

Ўш вилояти раҳбари ўз нутқида Ўзбекистон ва Қирғизистон ўртасидаги дўстлик алоқалари ва стратегик ҳамкорлик янги босқичга кўтарилганини алоҳида таъкидлади. Алишер Навоий ҳайкали очилиши маросимида иштирок этиш учун Ўш шаҳрига Ўзбекистондан нуфузли делегация ташрифи икки мамлакат халқларининг тарихий ва маданий биродарлик алоқалари ва чуқур ҳурмат белгиси эканини ўргувлади.

Алишер Навоийнинг маънавий мероси ўзбек ва қирғиз халқларини бирлаштирувчи муҳим қадрият ҳисобланади. Ўш шаҳрида унинг ҳайкали ўрнатилиши мамлакатларимиз ўрта-



сидаги маданий ҳамкорлиكنинг ёрқин тимсолидир.

Шаҳар мэри Ўш шаҳрида Алишер Навоий номидаги истироҳат боғи 1968 йилда барпо этилгани ва буюк ўзбек шоирининг шаҳардаги биринчи ҳайкали ҳам шу йил ўрнатилагани ҳамда 1991 йилда боғ атрофидаги кўчага унинг номи берилганини маълум қилди. Ушбу кўча шу кунгача унинг номи билан атаб келинган. Сўнгги йилларда бу ерда катта таъмирлаш ва ободонлаштириш ишлари бажарилиб, кўча мавқеи кўтарилиб, шохкўчага ўзгартирилгани билдирилди.

Женишбек Токторбоевнинг таъкидлашича, халқларимиз доим бирдамликда яшаб келган

ва бу ахил-иноқлик ҳозиргача сақланиб қолмоқда. Жорий йилда Ўш вилоятига Ўзбекистондан 1,3 миллиондан ортиқ сайёҳ ташриф буюрган ва ушбу рақам халқларимиз ўртасида биродарлик ва дўстлик алоқалари тобора мустаҳкамланиб бораётганидан далолат беради.

Тадбир Ташқи ишлар вазирлигининг жанубий вилоятлардаги ваколатхонасида давом эттирилиб, ўзбек — қирғиз делегациялари ўртасида ўзаро ҳамкорлик муносабатлари муҳокама қилинди. Мулоқот чоғида сўнгги йилларда икки томонлама савдо-иқтисодий алоқаларнинг жадал ривожини ҳамда эришилган муҳим ютуқлар ҳақида тўхталиб ўтилди. Томонлар ўзаро ҳамкорлигини янада чуқурлаштириш, биргаликда қўшма лойиҳаларни амалга ошириш ва тажриба алмашиш ҳақида келишиб олди.

Учрашувда Ўзбекистон Президентининг ўзбек ва қирғиз халқлари орасидаги азалий дўстлик ва тотувлиқни мустаҳкамлаш ишлари-га қўшган салмоқли ҳиссаси учун Ўш шаҳри мэри Женишбек Токторбоевни “Дўстлик” ордени билан тақдирлаш тўғрисидаги фармони ўқиб эшиттирилди. Ушбу мукофоти Ўзбекистон Республикаси маданият вазири Озодбек Назарбеков тантанали равишда топширди.


Мэр Женишбек Токторбоев камтарона фаолиятига берилган юксак баҳо учун Ўзбекистон Президенти ва ўзбек халқига чуқур хурматини изхор этиб, ўзбек ва қирғиз халқлари ўртасидаги тарихий биродарлик алоқаларини ҳамда ўзаро ҳамкорлик муносабатларини янада мустаҳкамлаш ва ривожлантириш йўлида бор кучини сарфлашини таъкидлади.

Ўз навбатида, Озодбек Назарбеков Алишер Навоий шохкўчасини таъмирлаш ва ҳайкални ўрнатиш лойиҳасини амалга ошириш ҳамда бугунги тадбирни ташкил этишда жонбозлик кўрсатган ташкилотчиларга Ўзбекистон номидан самимий миннатдорлик билдирди.

Тадбир давомида элчи Саидикром Ниёзхўжаев “Дестинация Ўш” туризм корхоналари жамоат бирлашмаси раиси Абдуқодир Алиева “Ўзбекистон туризм брендининг Қирғизистондаги элчиси” сертификатини тантанали равишда топширди.

Дунё” АА

Ўш шаҳри



УЙ-ЖОЙЛАР ҚУРИЛИШИ ВА СОТИЛИШИ РЕНОВАЦИЯ ВА УРБАНИЗАЦИЯ ТАМОЙИЛЛАРИГА АСОСЛАНАДИ

мувоозанатли ривожлантиришнинг асосий устувор йўналишлари этиб белгиланди.

— Бугунги бозор иқтисодиёти шароитида тижорат банклари томонидан ажратилаётган ипотека кредитларини олишга имкони етадиган аҳоли қамрови тахминан 12 фоизни ташкил этади, — дейди Иқтисодиёт ва молия вазирлиги хузуридаги лойиҳа офиси директори ўринбосари Муҳаммадбобур Тоҳиров. — Айни пайтда тижорат банкларида ипотека кредитлари учун қўшимча ресурс маблағларини жалб қилиб мазкур кўрсаткични 30 фоиздан оширишни мақсад қилганмиз. 2017 йилдан жорий йилнинг ўтган давригача бўлган вақт давомида 534 минг фуқарога қарийб 101 триллион сўм ипотека кредити аж

ШОНЛИ ТАРИХДАН ШАРАФЛИ КЕЛАЖАК САРИ

Бошланиши 1-бетда

Президентимиз ёш спортчиларимизга табрик йўллади. Давлатимиз раҳбари табригидаги: “Турнир давомида Ўзбекистон мадҳияси қарийб 100 марта янграгани сизларнинг Ватанимиз шухратини дунёга тараннум этишга қандай беқиёс ҳисса қўшганингиздан далолатдир.

Сизлар улкан азму шижоатингиз, букилмас ирода ва интилишингиз билан Осиёнинг миллий спорт жадал ривожланаётган Эрон, Япония, Таиланд, Индонезия каби давлатлари жамоаларини ҳам ортда қолдиришга муваффақ бўлдингиз”, деган сўзлар спортчилар қатори ҳар бир юртдошимиз қалбидан чуқур жой олгани ҳам айни ҳақиқат. Бундай шарафли ютуқлар бизни зафарли юришлар замиридаги ҳаётини ҳақиқатларини англашга чорлайди.

Биз ҳақли равишда аждодларимиз билан фахрланамиз. Уларнинг салоҳияти, эришган ютуқларини ҳавас билан тилга оламиз. Айни дам улар бунга қандай эришгани ҳақида мулоҳаза қиламиз, ҳайратланамиз.

Кейинги йилларда ана шу ҳайрат, ҳаяжон бир оз босилган, аждодлар ютугини бир қадар табиий қабул қилишга ўрганилган. Чуқур таҳлил қилинса, бу жараён ҳам табиий ва асосли. Негаки, кейинги йилларда ёшларимиз эришган катта-катта ютуқлар ўтмиш аждодларга муносиб тарзда кечмоқда. Бу худди тоққа яқин боришга ўхшайди. Тоғлар олисдан жуда баян ва етиб бўлмас чўққи бўлиб кўринди. Аммо унга яқин борганинг сари унинг чўққисига олиб чиқадиган сўқмоқлар кўрина бошлади.

Шу ўринда бир мулоҳаза. Буюк аждодимиз Абу Райҳон Беруний “Ҳар бир инсоннинг кадр-қиммати ўз ишини қойил қилиб бажаришида”, деган эди. Шундай даврлар бўлдики, ҳалқимиз фидойилиги, жасорати, ватанпарварлиги жиноят деб топилди. Бунга жадид аждодларимиз тақдирни яққол мисол бўлади.

Янги Ўзбекистонда инсон ўзини тўла кўрсата олиши, ишини қойил қилиб бажариши учун унга имкон берадиган ислохотлар амалга оширилди. Бу ўзгаришлар сабаб биз ҳам ўтмиш деган улкан тоғ этагига анча яқинлашдик. Аввало, аждодлар макон тутган чўққидан кўра баянроқ манзилларни кўзлаб йўлга чиқдик.

Олис сафарга эса доим пухта ҳозирлик қўрилади. Янги Ўзбекистондаги ислохотларнинг илк даврида биз ана шу ҳозирлик жараёнини бошдан кечирдик. Аввало, одамларнинг даражаси кўчма тутиладиган тизим яратилди. Сўнг манзилли кўмак бериш амалиёти ҳақиқий маънода кенг қўл очилди. Ниҳоят Ижтимоий ҳимоя миллий агентлиги ташкил этилди. Шу билан бирга, адаптив спорт турлари жамиятимизда кенг тарғиб этилиб, бу бўйича ҳам зарур шароитлар яратилди.

Шу тариқа биз кўзланган чўққи сари мўайян масофани босиб ўтдик. Параолимпия ўйинлари давомида Ўзбекистон мадҳияси қарийб 100 марта янграгани фикримиз далилидир. Ҳа, Параолимпия ўйинларида спортчиларимиз ютуқлари орқали дунё ҳамжамиятига мамлакатимизда инсоннинг жисмоний ва маънавий салоҳиятини рўбга чиқаришга қанчалик эътибор қаратилаётганини кўрсатиб берди.

Боборавшан ҒОЗИДДИНОВ,
“Янги Ўзбекистон” муҳбири

— Устознинг бахти шоғирди муваффақиятида деб тўғри айтишар экан. Қайси соҳада бўлмасин, қилган меҳнатларинг, чеккан машаққатларинг мева берганида чиндан ҳам ўзингни энг бахтиёр инсон деб биласан. Спортда эса янада ҳаяжонли. Фарзандингдай бўлиб қолган шоғирдинг майдонга тушар экан, рақиб билан гўёки ўзинг олишайтгандай бўласан, бутун жисму жонинг унга кўчиб ўтгандек охириг дақиқагача киприк қоқмай, омад тилаб турасан.

Бирлашган Араб Амирликларининг Дубай шаҳрида бўлиб ўтган V Ёшлар Параолимпия ўйинларида терма жамоамизнинг умумжамоа ҳисобида биринчи ўринни кўлга киритгани муборакбодларини қанчалар хурсанд қилган бўлса, ҳалқимизни ҳам шунанлар қувонтирди. Бу беллашуларга 2 йил тайёргарлик кўрдик. Албатта, спортчиларимиздан умидларимиз катта эди. Чунки алоҳида шароитлар яратиб берилди. Бундан тўрт йил аввал Баҳрайнда 18 та медал билан умумий ҳисобда 7-ўринни эгаллаганимиз. Енгил атлетикачиларимиз бор-йўғи 2 та олтин медалга



ЎЗБЕКИСТОН ПАРАЛИМПИЯ ҲАРАКАТИНИНГ ОЛТИН АВЛОДИ

ХАЛҚИМИЗ, ЖОНАЖОН ВАТАНИМИЗ СИЗ БИЛАН ФАХРЛАНАДИ



Мухторхон ТОШХҲЖАЕВ, Ўзбекистон Миллий паралимпия қўмитаси раиси

Бошланиши 1-бетда

Президентимиз мазкур ғалаба муносабати билан йўллаган табригида “Ўзбекистон Параолимпия ўйинлари тарихида бундай рекорд натижа, бундай буюк зафар илгари ҳеч қачон бўлмаган эди. Ҳеч шубҳасиз, сизлар юртимиз спортда шонли тарих ва анъаналар яратган ёшлар, моҳир мутахассислар сифатида юксак таҳсин ва тасанноларга муносибсиз.

Бутун халқимиз, жонажон Ватанимиз сизлар билан фахрланади. Сизлар Ўзбекистон паралимпия ҳаракатининг олтин авлоди, олтин

вакилларисиз”, дея музаффар ёш спортчиларимизни эътироф этди.

Бундай олтин авлодни шакллантириш осон эмас. У ўз-ўзидан пайдо бўлиб қолмайди. Бунинг ортида туну кун эл дарди, ватан тараққиёти йўлида қилинган катта хизмат турибди. Мамлакатимизда сўнгги йилларда амалга оширилган ислохотлар тимсолида бунни кўриб турибмиз.

Ҳа, Президентимиз ташаббуси билан спортга, хусусан, пара спортга эътибор тўбдан ошди. Кенг имкониятлар эшиги очилди. Бу борадаги янгиланишлар Ижтимоий ҳимоя миллий агентлиги тузилиши билан янги босқичга чиқди. Алоҳида Адаптив спорт турлари ассоциацияси фаолияти йўлга қўйилди. Ушбу тизимда Матонат мактаби ҳамда соҳада мутахассислар тайёрлаш бўйича институт ташкил қилинди. Муҳими, ислохотлар туфайли маҳаллаларимизда адаптив спорт турлари билан мунтазам шуғулланувчилар сони 45 мингдан ошди. Жамиятимизда адаптив спорт муҳити яратилди. Энди бунга янада ривожлантириш учун ислохотларнинг янги босқичига старт берилди.

Президентимиз жорий йил 11 декабрдаги “Паралимпия спорт турларини янада ривожлантиришнинг қўшимча чора-тадбирлари тўғрисида”ги қарорини қабул қилиш орқали пара спортчи ёшларга яна бир қарра катта ишонач билдирди. Бундай имконият ва эътибор ёшларга қанот бағишлайди. Дубай шаҳрида ўтган Параолимпия ўйинларида бунга гувоҳ бўлдик. Давлатимиз раҳбарининг ишончидан руҳланган спортчиларимиз 35 давлатдан келган тенгдошлар орасида ғалабага интилиши билан ажралиб турди. Улар нафақат ютуқлари, балки ўзига ишончи, кўтаринки кайфиятда баҳсларга киришиши билан ҳам кўзга яққол ташланди.

Ана шу кўтаринкилик, ишонч мусобақаларда ўз сўзини айтди. Параолимпия ўйинлари биз учун рекорд ва эксклюзив натижаларга бой бўлди. Масалан,

Жамоамиз 99 та олтин, 57 та кумуш ва 41 та бронза медални қўлга киритиб, тарихий натижага эришди.



УСТОЗЛИК БАХТИ



Сардор АБДУХОЛИҚОВ, Пара енгил атлетика бўйича миллий терма жамоа бош мураббийи:

— Устознинг бахти шоғирди муваффақиятида деб тўғри айтишар экан. Қайси соҳада бўлмасин, қилган меҳнатларинг, чеккан машаққатларинг мева берганида чиндан ҳам ўзингни энг бахтиёр инсон деб биласан. Спортда эса янада ҳаяжонли. Фарзандингдай бўлиб қолган шоғирдинг майдонга тушар экан, рақиб билан гўёки ўзинг олишайтгандай бўласан, бутун жисму жонинг унга кўчиб ўтгандек охириг дақиқагача киприк қоқмай, омад тилаб турасан.

Бирлашган Араб Амирликларининг Дубай шаҳрида бўлиб ўтган V Ёшлар Параолимпия ўйинларида терма жамоамизнинг умумжамоа ҳисобида биринчи ўринни кўлга киритгани муборакбодларини қанчалар хурсанд қилган бўлса, ҳалқимизни ҳам шунанлар қувонтирди. Бу беллашуларга 2 йил тайёргарлик кўрдик. Албатта, спортчиларимиздан умидларимиз катта эди. Чунки алоҳида шароитлар яратиб берилди. Бундан тўрт йил аввал Баҳрайнда 18 та медал билан умумий ҳисобда 7-ўринни эгаллаганимиз. Енгил атлетикачиларимиз бор-йўғи 2 та олтин медалга

эга бўлган, иштирокчилар сони 10 нафарга ҳам етмаганди. Бу йил эса 47 спортчимиз билан 162 тур бўйича қатнашдик. 8 та олтинни кўлга киритган 16 ёшли Хусния Олимжоновга бутун Осиё қойил қолгани рост.

Умуман олганда, аввал чиндан ҳам бундай натижа бўлмаган. Ўзбекистон вакиллари 1,5 мингга яқин спортчи орасида юртга нақд бир кам 100 та олтин, 57 та кумуш ва 41 та бронза медалга шодаси билан қайтди.

Давлатимиз раҳбари спортчиларнинг ота-оналари қатори биз, устозларга ҳам моҳир ва жонқуяр мураббийлар сифатида чин дилдан миннатдорлик изхор этгани барчамизни бирдек қувонтирди. Ота-оналар, мураббий ва спортчилар эса ғолиблик сари йўл очаётган имкониятлар учун Президентимизга чексиз миннатдорлик билдирипти. Ҳақиқатан, давлатимиз томонидан Паралимпияга ҳеч бир даврда бўлмаган алоҳида эътибор қаратилиб, зарур шарт-шароитлар яратиб берилляпти. Янги спорт турлари кундан кунга кўпаялти. Хусусан, бу йил Паралимпиянинг энг оғир турларида бири бўлган бочча спорт тури бўйича ҳам вакилларимиз ўзларини намоеён этди. Битта 2-ўрин, битта 3-ўринга эга бўлдик. Бу орқали ҳар қандай янги спорт турига мослаша олишимиз, ҳар қандай йўналишда натижа кўрсатишимиз мумкинлигига яна бир бор амин бўлдик. Бошқа йўналишларда ҳам кўплаб спортчиларимиз қаторлаб медалларга сазовор бўлганидан, Ўзбекистон номи қайта-қайта тилга олинганидан бениҳоя хурсанд бўлиб қайтдик.

Паралимпия тарихидаги шонли ғалабага эришган спортчилар “Тошкент-Ҳумо” халқаро аэропортида кутиб олинди. “Олимпия шаҳарчаси”да ташкил этилган тақдирлаш маросимида пара спортчиларга давлатимиз раҳбари йўллаган табрик ўқиби эшиттирилгани спортчиларга энг ҳаяжонли онларни бахш этди. Мана шу ғалабалар таъсирида спортчиларимиз яна янги-янги марраларни забт этишига ишонамиз.

“Мағлубиятга йўл йўқ!” деган шиор куч бериб турди



Акмалхон ХАЙРУЛЛАХОНОВ, V Ёшлар Параолимпия ўйинлари ғолиби:

— Спорт билан шуғулланиб асло хато қилганимни ҳар гал ғолиблик шохсупасида турганимда, энг асосийси, Президентимиз биз, спортчи ёшларга ишонч билдирганида чуқур англаб етман. Кунин кеча “Олимпия шаҳарчаси”да туриб, Президентимиз табригини эшитар эканман, ич-ичимдан тўқилганим кетдим. Айниқса, “Бутун халқимиз, жонажон Ватанимиз сизлар билан фахрланади. Сизлар Ўзбекистон паралимпия ҳаракатининг олтин авлоди, олтин вакилларисиз. Бундай қахрамон ёшларимизга шон-шарафлар бўлсин!” деган сўзлардан гурурландим.

Пара армрестлинг билан 1 йилдан зиёроқ вақт мобайнида шуғулланиб келаётган бўлсам, бу гал тайёргарлик машғулотларимизнинг ўзи ҳам ҳар доимидан жиддий ўтказилганига гувоҳ бўлдим. Аслида, йилдан йилга натижалар юқорилаб бораётгани ортида тайёргарликка берилаётган алоҳида эътибор, спортчиларга ғамхўрлик туради. Қанча қулайлик бўлгани сари ғолибликка яқинлашиб бораверасиз. Шунинг учун олдимизда фақат ва фақат ғалаба, мағлубиятга йўл йўқ деган шиор турди. Қолаверса, мураббийларимиз, ота-оналаримиз, халқимиз, Президентимиз ишончини оқлашдек шараф бизга куч берди.

Президентимиз табригидаги қуйидаги сўзлар бизни эндиликда янада юксак марраларни забт этишга чорлайди: “Сизлар эришган улкан зафар Янги Ўзбекистон ёшлари қандай катта марраларни эгаллашга қодир эканини амалда яна бир бор кўрсатгани билан ҳам ғоят аҳамиятлидир. Бу ғалаба, ҳеч шубҳасиз, минглаб ёшларимизга гурур ва ифтихор, интилиш ва илҳом манбаи, катта тажриба мактаби бўлиб хизмат қилади”.

Албатта, биз ҳам катта, тажрибали спортчилар сингари келажақда ўз мактабимизни яратиб, ортимиздан келаётган ёш авлодга бор маҳоратимизни ўргатсак, юртимиз спортда ўз ўрнини, номини бўлса дейимиз. Ўйлайманки, янги Ўзбекистонда бундай эзгу ниятларнинг барчаси ижобат бўлади.

Фақат ғолиб бўлиб қайтишни мақсад қилгандим



Хусния ОЛИМЖОНОВА, V Ёшлар Параолимпия ўйинлари ғолиби:

— Бугун биз, спортчи қизларга ҳамма ҳавас қилдиган ажойиб даврда яшаймиз. Мамлакатимизда спортга қизиққан ёшларга ҳар қачонгидан кўп ва жиддий эътибор берилляпти. Энг муҳими, ота-оналарнинг спорт ҳақидаги фикрлари ҳам аввалгидан бутунлай ўзгариб. Шунинг учун бутунги кунда қизларни спортнинг энг оғир турлари, ҳатто тош кўтариш мусобақаларида ҳам учратиш мумкин. Ногиронлиги бўлса-да, қизларига ишонч билдириб, уларни катта спортга йўналтирган ота-оналар бутун фарзандининг ортидан раҳмат эшитляпти, муносиб тақдирлялляпти. Улар бунга муносиб. Мураббийлар эса бундан ҳам ортигига лойиқ, Чунки пара спортчилар билан ишлаш устоздан жуда катта матонат,

сабр-тоқат талаб қилади. Спортчиға ҳам ота, ҳам ана, ҳам дўст бўладиган мураббийлар бор. Зеро, шундай бўлган тақдирдагина катта-катта ғалабаларга йўл очилади, устоз-шоғирд биргаликда дунё кеза олади.

Эндигина 16 ёшда бўлишимга қарамай, спорт туфайли дунёнинг энг машҳур шаҳарлари, давлатларини кўриб келяпман. Дубайдаги мусобақаларда пара енгил атлетиканинг 8 турида қатнашдим. Жараёнларда ҳар қандай кўркув, ҳаяжонни унутиб, ўз олдимга “Сен фақат олтин медал учун келгасан, бошқасига ўрин йўқ. Ўзбекистонга фақат ва фақат олтин медал билан қайтишиг керак”, деган мақсадни қўйдим. Қарангки, биринчи марта қатнашганим бўлса-да, биратўла 8 та олтин медални кўлга киритдим. Бундай натижага эришганимдан нафақат яқинларим, кўплаб юртдошларимиз қувонаётганини кўриб, олдинда турган мусобақаларга катта куч олайман.

“Сенга жуда кўпчилик ҳавас қилляпти, қойил”, деган сўзлардан қанчалик руҳланганимни сўз билан ифодалай олмаман. Ҳозирча югуриш, ядро улоқтириш, баландликка, узунликка сакраш бўйича олтин бу медалларим билан Ватаним, халқимнинг менга ишончини оқлаган бўлсам, бу бошланиш. Насиб қилса, 2026 йили Лос-Анжелесда бўлиб ўтадиган йирик мусобақаларда ҳам Ватанимга фақат олтин билан қайтаман.

“Янги Ўзбекистон” муҳбири
Муножат МҶМИНОВА
ёзиб олди.

Ҳар қандай кўркув, ҳаяжонни унутиб, ўз олдимга
“СЕН ФАҚАТ ОЛТИН МЕДАЛЬ УЧУН КЕЛГАНСАН,
БОШҚАСИГА ЎРИН ЙЎҚ. Ўзбекистонга фақат ва фақат олтин
медал билан қайтишинг керак”, деган мақсадни қўйдим.



Рамзиддин НУРИДДИНОВ,
“Тараққиёт стратегияси”
маркази бош мутахассиси

Бошланиши 1-бетда

Давлатимиз иқтисодиёт модернизациясини давом эттирар экан, Ўзбекистон 2019-2021 йилларда бизнес муҳитини рақамли ўзгартиришга эътибор қаратди. “Ягона дарча” тизими ва “E-kadast.ru” электрон портали яратилиши туфайли соҳада шаффофлик таъминланди ҳамда бизнес учун ортқча оворагарчиликларга чек қўйилиб, харажат камайдди. Лицензия ва рухсатномалар олиш тартибининг соддалаштирилиши кичик бизнес субъектлари ва тадбиркорлар сонининг кўпайишига ёрдам берди.

2022-2024 йилларда хусусий секторнинг янада ривожланиши рақобатнинг кучайиши ва молиявий ресурслардан фойдаланиш имкониятлари кенгайиши билан тавсифланди. Рақобат мавжуд бўлган соҳаларда давлат корхоналарини ташкил этишга чеклов ўрнатилди. Оилавий бизнесни қўллаб-қувватлаш дастурлари жорий этилди ва кредитлаш бўйича электрон платформалар ишга туширилди. “Рақобат тўғрисида”ги қонуннинг янги тах-

рида қабул қилиниши ҳамда Президентимизнинг ҳар йили анъанавий тарзда тадбиркорлар билан очиқ мулоқот ўтказиши давлат ва хусусий сектор ўртасидаги ҳамкорлиқни мустаҳкамлаб, тадбиркорлик ташаббусининг барқарор ривожланиши ва хусусий инвестицияларни жалб этиш учун пойдевор яратди.

Ушбу ислохотлар натижасида 2024 йилда мамлакат ялпи ички маҳсулотига кичик бизнес ва хусусий тадбиркорлик улуши 54,3 фоиз, экспортда — 33,3 фоиз, саноатда эса 32,4 фоизга етди. Бундай динамика айнан хусусий сектор иқтисодий ўсиш ва миллий иқтисодиётнинг диверсификацияси учун асосий локомотивга айланишини кўрсатади.



Миллий статистика қўмитаси маълумотларига кўра, 2024 йилда мамлакатда 77 мингта янги корхона ташкил этилган. Уларнинг умумий сони эса 358,1 мингтага етган. Янги хусусий бизнес субъектларининг энг катта қисми савдо соҳасида (28 мингта корхона) рўйхатга олинган. Кейинги ўрин-

лардан саноат (12,8 мингта), қишлоқ хўжалиги (9,1 мингта) ҳамда яшаш ва овқатланиш хизматлари соҳаси (6,5 мингта) жой олган.

“Ўзбекистон — 2030” стратегиясида иқтисодиётдаги нодавлат сектор улушини 85 фоизгача ошириш ва давлат улуши иштинроқидидаги корхоналар сонини ҳозирги 2300

тадан 383 тагача қисқартириш кўзда тутилган. Хусусийлаштириш, рақобатни кучайтириш ва тадбиркорлиқни ривожлантиришга қаратилган бу йўналиш иқтисодиёт самардорлигини ошириш ва давлатнинг тижорат фаолиятидаги иштирокни пасайтиришга қаратилган.

Ушбу чора-тадбирларни такомиллаштиришда давлатнинг қатор функцияларини хусусий секторга ўтказиш алоҳида аҳамият касб этади. Шундай қилиб 2025 йил 1 июлдан бошлаб бизнесга 11 турдаги давлат хизмати топширилган. Тиббиёт ташкилотларини аккредитация қилиш, ҳисоблагичларни текшириш ва транспортни эксертификациялаш шулар жумласидан. Бундан ташқари, 2028 йилгача хизмат кўрсатиш соҳасидаги корхоналар учун 1 фоиз миқдоридидаги ижтимоий солиқнинг имтиёзли ставкаси узайтирилган. Бу уларнинг ривожланишини рағбатлантиради ва аҳолининг бандлигини оширишга ёрдам беради.

Ишбилармонлик фаоллигини янада ривожлантириш мақсадида 2026 йил 1 январ-

дан бошлаб йиллик айланмаси 1 миллиард сўмгача бўлган якка тартибдаги тадбиркорлар ва ўзини ўзи банд қилган фуқаролар учун 1 фоиз миқдоридида пасайтирилган солиқ ставкаси жорий этилади. Ушбу чора солиқ юкини камайтириш ва янги иш бошлаётган тадбиркорлар учун қўлай шарт-шароит яратишга қаратилган. Бу, айниқса, кичик бизнес соҳасини мустаҳкамлаш ва ўзини ўзи банд қилишни кенгайтириш учун муҳим.

Солиқ имтиёзларини жорий этиш билан бир қаторда ижтимоий аҳамиятга эга тармоқларни ривожлантиришга хусусий капитални жалб этиш кучайди. Хусусан, таълим соҳасида хусусий боғчалар сони 120 баробардан зиёроқ кўпайиб, 31 мингтага, хусусий мактаблар сони эса 22 баробар ошиб, 645 тага етди. Мактабгача таълим билан қамров даражаси 70-80 фоиздан паст бўлган 80 та туманда тадбиркорларга имтиёзлар берилмоқда.

30 йилгача ижара тўловидан озод қилиш ва ҳар бир тарбияланувчи учун харажатнинг 50 фоизини субсидиялаш шулар жумласидан. Бундай рағбатлантиришлар сифатли таълим тарбия олиш имкониятини кенгайтириш ва хусусий инвесторларнинг инсон капиталини ривожлантиришдаги фаол иштирокига ёрдам беради.

Шунга ўхшаш тенденциялар соғлиқни сақлаш соҳасида ҳам кузатишмоқда. Сўнгги етти йилда хусусий тиббиёт муассасалари сони 3500 дан 8500 тага кўпайди. Бу ўсиш бизнес учун қўлай шароит, инновацион технологияларни жорий этиш ва тиббиёт ходимларининг малакасини ошириш билан боғлиқ. Бундан ташқари, аҳолининг хусусий тиббий хизматга ишончи ортиб бормоқда. Бу эса хизмат сифатини яхшилаш ва фуқароларнинг замонавий даволаш усулларидан фойдаланиш имкониятини кенгайтирмоқда.

Айрим тармоқлардаги таркибий ислохотлар натижаси макроиқтисодий даражада

ҳам намоён бўлмоқда. Бу инвестицияларнинг ўсиши ва хусусий сектор фаоллиги билан тасдиқланмоқда. Хусусан, 2024 йилда Ўзбекистонда 493,7 триллион сўм асосий капиталга инвестициялар ўзлаштирилган. Шундан 150,5 триллион сўми тўғридан тўғри хорижий инвестициялардир. Сўнгги беш йилда капитал қўйилмаларнинг умумий ҳажми қарийб 2,3 баробар ўсди. Инвестицияларнинг 75,9 фоизи жалб қилинган маблағ, 24,1 фоизи эса корхоналар, ташкилотлар ва аҳолининг ўз маблағи ҳисобидан молиялаштирилди.

Халқаро баҳолашлар ҳам Ўзбекистондаги ўзгаришлар самарадорлигини тасдиқламоқда. Хусусан, Жаҳон банкининг “Бизнестайёрлик 2024” ҳисоботида кўра, ривожланётган иқтисодиётларда хусусий сектор иш ўринларининг қарийб 90 фоизини яратади. Инвестицияларнинг 75 фоизини ва саноат ишлаб чиқариш ҳажмининг 70 фоиздан ортитини таъминлайди. Тадбиркорлик фаолиятини самарали ва шаффоф тартибга солишга иқтисодий ўсишни жадаллаштириш ва самардорлиқни оширишнинг энг муҳим воситаларидан бири сифатида қаралмоқда.

Бундан ташқари, Иқтисодий ҳамкорлик ва тараққиёт ташкилотига аъзо давлатлар COVID-19 пандемиясидан кейин барқарор тикланиш учун давлат ва бизнес ўртасида яқин ҳамкорлик зарурлиги ҳақидаги позицияни маъқуллайди. Ташкилотнинг ҳисобкитобларига кўра, 2030 йилга бориб Барқарор ривожланиш мақсадларига эришиш учун талаб қилинадиган йиллик инвестициялар 2019 йилдаги 2,5 триллион АҚШ долларидан 2020 йилда 3,7 триллион долларгача ошди. Бу эса инвестицияларни жалб қилиш ва узоқ муддатли ривожланишнинг стратегик вазифаларини амалга оширишнинг асосий механизми сифатида давлат-хусусий шериклиқнинг аҳамиятини оширади.

Мамлакатимизда давлат-хусусий шериклик (ДХШ) ривожланишидаги сезиларли ютуқларни Халқаро валюта жағғармаси маълумотлари ҳам тасдиқлайди. 2021 йилда ДХШ лойиҳаларининг умумий портфели тахминан 6,2 миллиард долларни ташкил этган ва бу ЯИМнинг тахминан 8 фоизига тўғри келган бўлса, 2024 йил охирига келиб, бу кўрсаткич 31 миллиард долларга ёки ЯИМнинг 27 фоизига етди. Бундай тенденция хусусий капиталнинг иқтисодиётдаги мавқеи кучаяётгани ва инвесторларнинг ички бозорга қизиқиши ортиб бораётганини кўрсатади.

Шундай қилиб, Ўзбекистон тажрибаси тадбиркорлик фаолиятини қўллаб-қувватлаш, қўлай инвестиция ва ишбилармонлик муҳитини яратиш, хусусий капитални фаол жалб қилиш мамлакатнинг барқарор иқтисодий ривожланиши учун ишончли пойдевор яратишини кўрсатади. Узоқ муддатли истиқболда айнан хусусий сектор миллий рақобатбардошлиқни ошириш, инновацияларни рағбатлантириш ва ижтимоий барқарорлиқни мустаҳкамлаш, иқтисодий ўсиш ҳамда аҳоли фаровонлиги ўртасидаги мувозанатни таъминлашнинг асосий омилга айланади.

Молия муассасаларида

МУРОЖААТЛАР

БИЛАН ИШЛАШ

“АГРОБАНК” фаолиятининг

муҳим йўналишларидан бири

Сўнгги йилларда жисмоний ва юридик шахслар мурожаатларини кўриб чиқишда қонун устуворлигини таъминлашнинг самарали, мустаҳкам ҳуқуқий механизми шаклланди. Ушбу йўналишдаги сиёсатга ҳамоҳанг равишда “Агробанк” АТБда ҳам аҳоли ҳамда мижозларнинг молия муассасасига бўлган ишончини янада мустаҳкамлаш, мурожаатларида акс этган асосли масалаларни ижобий ҳал этишга стратегик йўналишлардан бири сифатида қаралмоқда. Банк бошқаруви йиғилишларида бу борадаги ишлар доимий эътибордаги масала сифатида мунтазам муҳокама этиляпти.

Мурожаатларнинг аксарияти бевосита молия муассасаси фаолияти, мижозларга хизмат кўрсатиш жараёни билан боғлиқ. Яъни жорий йилда келиб тушган мурожаатларнинг 38 фоизни кредит йўзасидан қолгани кўрсатилган бошқа хизматларга тегишли бўлди. Мурожаатлар ўтган йилдаги нисбатан камайдди. Яъни ўтган йилнинг биринчи декабргача 9870 та мурожаат қилинган бўлса, жорий йилнинг шу вақтига келиб, мазкур рақам 9462 тани ташкил этди. 69 фоиз мурожаатга ижобий ечим топилиб, қаноатлантирилди, қолганларига эса меъёрий ҳужжатлар асосида тушунтириш берилди. Бунинг ўзига хос асослари бор, албатта. Масалан, 1216 қисқа рақамли мижозлар билан алоқа маркази ташкил этилгани ва унинг кечки соат 24:00 гача фаолият юритаётгани самарадорлиқни таъминламоқда. Алоқа маркази орқали мижозларни қизиқтирган барча саволларга жавоб берилмоқда, янги банк хизматлари ва улар бўйича муҳим маълумотлар тақдим этилмоқда. Айнан марказ орқали йил бошидан буён жами 972 минг 328 та кўнгирак, шунингдек, онлайн чат ва телеграм бот орқали 110 минг 230 та мурожаат қабул қилиниб, сўровларга батафсил жавоб берилди.

Шунингдек, жорий йилда аҳоли ва банк мижозлари билан юзма-юз мулоқот қилиш мақсадида ҳудудларда тадбиркорлар билан 281 та сайёр учрашув ўтказилди. Уларда иштирок этган 3617 фуқародан 3080 та мурожаат бўлди. Уларнинг 1467 таси жойида ижобий ҳал қилинди, 1613 та мурожаат бўйича амалдаги меъёрий ҳужжатлар асосида тушунтиришлар берилиб, ихроси назоратга олинди.

Азизжон АҲМАДАЛИЕВ,
“Агробанк” АТБ банк аппарати
директори ўринбосари

Обод манзиллар

ТАШЛАНДИҚ ЕРЛАР

даромад келтирадиган

БОҒЛАРГА АЙЛАНДИ

Қўштепа тумани ҳудудидан оқиб ўтувчи Катта Фарғона канали муҳофаза зонасида, “Дўрмон” маҳалла фуқаролар йиғинидан Шомирза маҳалласигача бўлган ораликда узум етиштириш, канал ҳудудидан ўтувчи бўйлама зовур соҳилида эса ўрдак боқиш лойиҳаси амалга оширилганига кўп бўлгани йўқ. Лойиҳа ишсиз фуқароларни иш билан таъминлаш, эл дастурхонига сархил сабзавот, узум, парhezбop ўрдак гўшти етказишда самара бермоқда.

Янги лойиҳа туфайли каналнинг бўш турган 12,6 гектар муҳофаза ҳудуди тозаланди ва узум етиштиришга ихтисослашган 126 та лотга бўлинди. Атрофи панжарали тўсиқлар билан ўралди. Унинг қарама-қарши томонида, катта магистраль бўйидаги зовур қирғовида ўрдак боқиш учун керакли шароит ҳозирланди. Бу ер ўрдак боқиш ниятидаги 26 кишига бўлиб берилди.

Узум ҳосилга киргунича сўриток остини бўш қолдирмаслик учун бу йил мочалка экдим, — дейди “Дўрмон” маҳалла фуқаролар йиғинида яшовчи Одинахон Акбарова. — Ҳосил яхши бўлди. Тўқсонбости усулда саримсоқпиез экдик. Канал бўйи бўлгани учун сувдан муаммо йўқ. Бу ерларда ёлғиз юришга чўчирдик. Баланд-паст қум бархани, ўт-ўланлар, чиқиндилар уюми дилин хира қиларди. Энди ҳаммаси ўзгарди. Бизга экинларни замонавий ва интеграциялашган усулда парвариш қилиш, зарарли организмлардан ҳимоялаш, кооперация тизимини ривожлантириш, ҳудуд иқлим шароитига мос уруғ ва кўчатларни танлаш, сардаромад экин турларини экиш бўйича мутахассислар амалий тавсиялар беришмоқда.



Дала юмушлари билан андармон бўлиб юрган Абдуҳаким Юсупов “Шомирза” маҳалла фуқаролар йиғинида яшайди. Бир неча йилдан буён хорижда ишларди. Унга маҳалладаги ҳоким ёрдамчиси тавсияси билан имтиёз асосида узум майдонини ажратиб берилди. Абдуҳаким деҳқон фарзанди бўлгани учун ерга меҳр бериб меҳнат қилди, интилди, изланди. Шу кунгача шолғом, турпларни йиғиштириб олдиқ, — дейди эгاتлар оралаб юрган Абдуҳаким. — Энди плёнка остида қашнич, исмапоқ, тўқсонбости усулда редиска экдик. Яқин йилларда буларнинг ёнига узум ҳосили ҳам қўшилса, даромадимиз салмоғи янада ортади. Мухими, оилам, яқинларим олдидан. Хорижга бориб ишлашга ҳам зарурат қолмади. Ерга меҳр берган одам кам бўлмайди деб, шунини айтсалар керак-да.

Маҳаллада паррандачилик йўналишида фаолият юритаётган фуқаролар ҳам меҳнати самара бераётганидан мамнун. Яқингача қаровсиз тепалиқлар бўлган, ўз ҳолига ташлаб қўйилган бу ерда ўт-ўландан бошқа нарсa кўкармаган. Энди экин майдонларига айланиб деҳқончилик маданияти кириб келди.

— Урдак тез кўпаядиган парранда, — дейди дўрмонлик Шерали Акбаров. — Масалан, бир бош ўрдак йил давомида ўртача 110-120 дона тухум беради. Хўрозининг тирик вазни уч ойда 3-3,5 кило, макини 2-2,5 килограммгача эт олади. Бир кило ўрдак гўшти ўрта ҳисобда 40-45 минг сўмлиги ҳисобга олинса, даромад салмоғини чамалаш қийин эмас. Маҳалламиз ҳудудида ўрдакчиликни йўлга қўйиш, кўпайтириш орқали парhez гўшт етиштириш учун барча шароит яратилган.

Аҳолининг озиқ-овқат маҳсулотларига талаби ортиб бормоқда. Шундай вазиятда экин майдонларидан самарали фойдаланиш, маҳсулот етиштириш ҳажми ва сифатини ошириш муҳим аҳамиятга эга.

— Бу ишларни самарали йўлга қўйишда Президентимизнинг “Қишлоқ хўжалиги майдонларидаги қўшма имкониятлардан фойдаланган ҳолда маҳсулот етиштиришни кўпайтиришга доир чора-тадбирлар тўғрисида”ги қарори муҳим дастуриламал бўлмоқда, — дейди Фарғона вилояти ўсимликлар карантини ва ҳимояси бошқармаси бошлиғи Абдуҳалим Саидов. — Дала чети ва канал атрофидаги ҳар бир қарич ер даромад манбаи. Жорий йил баҳор мавсумида 2483 гектар дала четида мевали кўчат ўтказилди. Шунингдек, 5905 гектар коллектор-дренаж атрофида экилган ниҳоллар ер эгалари томонидан парваришланмоқда. Майдонлардан самарали фойдаланиш ҳамда экспортбop маҳсулотлар етиштириш ҳажмининг ошириш мақсадида дала четидаги майдонларга сабзавот, полиз, дуккалик дон экинлари ҳамда моили маҳсулот етиштирилди. Ўсимликлар карантини ва ҳимояси бошқармаси томонидан майдонларда етиштирилган 175 тонна маҳсулотга ички фитосанитария сертификати бепул расмийлаштириб берилди.

Фарғона вилояти ўсимликлар карантини ва ҳимояси бошқармаси шаҳар ва туман бўлиmlари томонидан аниқ режа асосида “йўл харитаси” ишлаб чиқилган. Унга кўра, мавсумнинг ноябрь-декабрь ойларида 401 гектар, келгуси йилда 922 гектар майдондаги дала четида сабзавот ва бошқа қишлоқ хўжалиги маҳсулотлари етиштирилади.

Расулжон КАМОЛОВ,
“Янги Ўзбекистон” мухбири

ЯНГИ ЎЗБЕКИСТОН

www.yuz.uz

f

yuz.uznews

Бугуннинг гапи

УШБУ МАҚОЛАНИ ҚОРАҚАЛПОҚ ТИЛИДА ХАМ ЎҚИШ УЧУН QR-КОДНИ СКАНЕР ҚИЛИНГ!

ЭЛЕКТРОН РЕЦЕПТ

АМАЛДА ҚАНДАЙ ҚЎЛЛАНАДИ?

Шу кунларда Тошкент шаҳри ва 15 та тажриба-синов ҳудудида босқичма-босқич жорий этилаётган “Электрон рецепт” тизими жамоатчилик ва соҳа мутахассислари томонидан фаол муҳокама қилинмоқда. Негаки, эндиликда юртдошларимиз муайян тоифадаги дориларни шифокор берадиган электрон имзо ёки QR-код туширилган рецептсиз ололмайди. Бу аҳолининг хавотир ва эътирозига сабаб бўлаётгани сир эмас.

“Электрон рецепт” тизимини жорий этишдан кўзланган асосий мақсад даволаш хавфсизлигини ошириш ва беморлар саломатлигини ҳимоя қилиш, шифокорларнинг дори тайинлашдаги масъулиятини кучайтириш, дори тайинлаш жараёнини тартибга солиш, соғлиқни сақлаш тизимида рақамли ҳисобга ўтиш, шунингдек, контрафакт ёки нотўғри қўлланилаётган дори-дармон айланмаси билан боғлиқ хавфларни камайтиришдан иборат.

Ҳўш, тизим амалда қандай ишлайди, афзаллиги нимадан иборат? Бемор аввалга оилавий поликлиникада бириктирилган шифокорига мурожаат қилади. Шифокор рецептни электрон тарзда расмийлаштиради. Дорининг номи, дозаси, қабул қилиш муддати — ҳаммаси “ДМЕД” номли тиббий ахборот тизимига киритилади.

Махсус рецептда электрон имзо ёки QR-код кўрсатилади. Дорихоначилар уни сканер қилиш орқали тизимдан махсуслот номини кўриши, шу асосда мижозга сотиши мумкин.

Вазирлар Маҳкамасининг 2025 йил 8 сентябрдаги “Соғлиқни сақлаш тизимини рақамлаштириш жараёнларини янада жадаллаштириш бўйича қўшимча чора-тадбирлар тўғрисида”ги қарорига мувофиқ, жисмоний ҳолати сабаб тиббиёт муассасасига кела олмайдиган ва ётиб қолган беморлар учун дори-дармон яқин қариндошлари ёки қонуний вакиллари томонидан электрон рецепт асосида олинади.

Шу ўринда favкуллода ҳолатлар, бола-ларга, кекса ёшдаги шахсларга ва сурункали касаллиги бор беморларга тиббий ёрдам кўрсатишда муаммолар юзга келмайдими деган ҳақли савол туғилиши мумкин.

— Ҳеч ким зарур дори-дармонсиз қола-майди. Ушбу тоифадаги беморлар алоҳида назоратда бўлади, — дейди тиббиёт фанла-ри номзоди Азиза Хўжаева. — Шунингдек, беморга дорини шошилинч равишда ёки зудлик билан бериш зарур бўлган тақдир-да, рецепт бланкисининг юқори қисмига

“cito” (шошилич) ёки “statim” (зудлик билан) белгиси қўйилади. Бундай белгилар рецептнинг дорихона ва тиббий амалиётда шошилич заруратини кўрсатади.

Аҳоли томонидан билдирилаётган яна бир хавотир оғриқ қолдирувчи дорилар билан боғлиқ. Зарур пайтда оғриқ қолди-рувчи дорилар учун ҳам электрон рецепт талаб этиладими?

Таъкидланишича, оғриқсизлантирув-чи дорилар рецептсиз дорилар рўйхатига киритилган бўлиб, улардан фойдаланиш мумкин.

Сурункали хасталиги бор беморларга амбулатор шартда рецепт ёзилганда, анаболик фаолликка эга айрим дорилар истисно тариқасида ва шифокор назорати-да 60 кунлик, баъзи дорилар эса 90 кунлик даволаш курсига етарли миқдорда белги-ла-ниши кўрсатилади.

Шунингдек, бундай беморларга элект-рон рецепт бўйича қафолатланган пакетга киритилган дори-дармон дорихоналар то-монидан реимбурсация дастури асосида 30 кунлик даволаш курсига етарли миқдорда бепул берилади. Рецептсиз бериладиган дорилар рўйхатида аллергияга қарши до-рил-лар ҳам мавжуд.

Ҳаётимиз стресслардан холи эмас. Ар-зимаган сабаб билан асабийлик, юракда безовталиқ кузатилиши бугун табиий ҳол-га айланган. Биз одатда фойдаланадиган корвалол ва валидол дорилари учун рец-епт талаб этилиши жараёни бир оз мураккаб-лаштириши мумкин. Аммо хавотирга ўрин йўқ. Бу дори воситаларини рецептсиз до-рихоналардан бемалол олиш мумкин.

Чет эл фуқаролари эса электрон рец-епт олиш учун умумий шартларда давлат тиб-биёт муассасаларида рўйхатдан ўтиш ҳу-қуқига эга.

Соғлиқни сақлаш вазирлиги ҳузурида аҳолини қўллаб-қувватлаш мақсадида туну кун ишлайдиган 1003 қисқа рақамли колл-марказ фаолияти йўлга қўйилган. Фуқ-аролар у орқали “электрон рецепт” тизими билан боғлиқ барча масалалар бўйича мас-лаҳат ва тушунтиришлар олиши мумкин.

— Доимий тушунтириш ишлари ва қайта алоқа тизими, шу жумладан, кеча-кундуз ишлайдиган 1003 колл-маркази ётоқ режимидати ва сурункали касаллик-ларга чалинган беморларнинг ўз оилавий шифокорига мурожаат қилиши, оилавий

шифокорга (тегишли ҳолларда тор соҳа мутахассисларига) масофадан туриб муро-жаат қилган ҳолда электрон рецепт олиши, кўрсатмалар мавжуд бўлганда патронаж хизмати ташкил этилиши ва зарур тиббий хизматлар уйда кўрсатилиши таъминлана-ди, — дейди вирусолог шифокор Дилдора Секлер. — Ётоқ режимда бўлган беморлар, шунингдек, сурункали касалликка чалинган шахслар маслаҳат ва электрон рецепт олиш учун оилавий шифокорига телефон орқали мурожаат қилиши мақсадга мувофиқ. Агар бемор оилавий шифокорининг телефон ра-қамини билмаса, унда 1003 қисқа рақамга қўнғирок қилиш мумкин. Унга зарур ёрдам кўрсатилади.

“Электрон рецепт” тизими асосида бериладиган дорилар рўйхати босқичма-босқич шакллантирилиб, бунда алоҳида рўйхатлар ижтимоий хавф ва соҳада юзга келадиган ҳэтиёлардан келиб чиққан ҳол-да ҳар бир босқичда экспертлар кенгаши томонидан тайёрланиб, тасдиқланади.

Тизимли таъсирга эга антибиотиклар, синтетик антибактериал препаратлар ҳам-да гормонал дорилар учун электрон рец-епт мажбурий бўлишини назарда тутувчи би-ринчи босқич белгиланади.

— Шифокорнинг электрон рецептларни ёзиш бўйича ваколати, жумладан, муайян тиббиёт ташкилотида мавжуд бўлмаган до-рини тайинлаш ва кейинчалик дорихона-лар фармацевтлари томонидан ушбу маъ-лумотни тизимга киритишнинг ҳуқуқий асослари мустаҳкамланади, — дейди Дил-дора Секлер. — Дорихоналарда рецептли дорини электрон рецепт асосида бериш (шу жумладан, беморнинг ЖШШИРи ёки QR-коди орқали) тартиби белгиланади. Қолаверса, тизим тўлиқ жорий этилгунга қа-дар ва favкуллода вазиятларда истисно тариқасида қоғоз кўринишидаги рец-епт-ларни расмийлаштириш имконияти сақлаб қолинади.

Бемор ёки унинг вакилида электрон рец-епт бўлмаган тақдирда, дорихона фар-мацевтига шахсни тасдиқловчи ҳужжат (қоғоз ёки электрон) асосида ЖШШИРни киритиб, тизим орқали электрон рец-епт билан танишиш ва рец-епт бўйича дорини бериш ҳуқуқини тақдим этувчи механизм белгиланади.

Ётоқ режимдаги беморлар электрон рец-епт олишда қийинчиликка дуч келмас-лиги учун қўшимча имкониятлар яратил-ган. Бунда бемор онлайн сўров юбориш ёки телефон орқали оилавий шифокорга мурожаат қилиши мумкин. Оилавий ши-фокор электрон рецептни расмийлашти-ради. Рец-епт расмийлаштирилгандан сўнг QR-код беморга ёки унинг вакилига юбо-рилади (SMS, мессенжер ёки электрон поч-та орқали).

Бу механизм ётоқдаги беморларга за-рур дорини ўз вақтида олишни таъмин-лайди.

— Юртимиз ва чет эл фуқароларининг тиббий ёрдам ва дорини олиш (шу жум-ладан, шошилич ҳолатларда) ҳуқуқлари таъминланади, шунингдек, тизимни жорий этиш босқичлари ва дорилар рўйхатлари тўғрисида аҳоли расмий манбалар орқали хабардор қилиб борилади, — дейди Дил-дора Секлер. — Даволовчи шифокорнинг қарорига кўра, сурункали касалликларга чалинган беморларга 60 кунгача давола-ниш даврида халқаро касалликлар тасни-фига мувофиқ қодланадиган, сурункали касалликларни даволашда тайинланади-ган, шунингдек, анаболик фаоллиги билан ажралиб турадиган дори учун, 90 кунгача даволаниш даврида бошқа тайёр дори учун (реимбурсация доирасида — 30 кунгача) рец-ептлар ёзишнинг алоҳида тартиби бел-гиланади.

Ушбу ҳолларда электрон рец-епт ва те-гишли QR-кодининг амал қилиш муддати белгиланган даволаш курси даврига муво-фиқ узайтирилади.

“Электрон рец-епт” тизими, энг аввало, даволаш хавфсизлигини ошириш, дори тайинлашда масъулиятни кучайтириш ва уларнинг айланмасини тартибга солишга қаратилган. Ушбу тизим доимий монито-ринг асосида фуқаролар ва тиббиёт индо-мларининг фикр-мулоҳазаларини инобатга олган ҳолда босқичма-босқич жорий этил-моқда.

Янги тизим рақобат муҳитини яратиб, шифокорлар томонидан кераксиз дори-дармонлар ёзиб берилиши, шунингдек, давлат рўйхатидан ўтмаган ва айланма йўллар орқали юртимизга кириб ке-лаётган дорилар сотилишининг олдини олади.

Рисолат МАДИЕВА,
“Янги Ўзбекистон” мухбири

2025 йил 16 декабрь, 260-сон

yuz_official

yuz.uz_news

yuz.uz

Мулоҳаза

РАҚАМЛИ ЦИВИЛИЗАЦИЯ
ВА ЁШЛАР КАМОЛОТИ

ТАЪЛИМ ВА ХАВФСИЗЛИКНИНГ ЗАМОНАВИЙ ПАРАДИГМАСИ

Расулжон ОТАМУРOTOV,
педагогика фанлари бўйича
фалсафа доктори

Бугунги кунда инсоният ўз тараққиётининг тамомила янги, шиддатли ва мисли кўрилмаган босқичини бошидан кечирмоқда. Башарият тарихида юз берган саноат инқилоблари жамият ҳаётини қай даражада ўзгартирган бўлса, аини пайтда биз гувоҳи бўлаётган ҳодиса — тўртинчи саноат инқилоби, яъни рақамли технологиялар даври ҳаётимизнинг ҳар бир жабҳасига чуқур ва тезкор кириб бормоқда. Янги Ўзбекистонни барпо этиш йўлида Учинчи Ренессанс пойдеворини яратишдек улғувор мақсадни олдимизга қўйган эканмиз, ўз-ўзидан мазкур жараённинг ҳаракатлантирувчи кучи, шубҳасиз, илм-фан ва замонавий таълим ҳисобланади. Мамлакатимизда рақамли иқтисодиёт ва рақамли жамиятнинг шакллантириш гоёлари замирида ҳам, аввало, юксак салоҳиятли, рақобатбардош ва замон билан ҳамнафас ёшларни тарбиялаш мақсади мужассам.

Шу ўринда ҳақли савол туғилади: биз бугун фарзандларимизни рақамли келажакка қанчалик тўғри тайёрлаялми? Мактаб парта-сида ўтирган ўқувчининг қўлидаги замонавий қурилма унинг ривожланишига хизмат қиля-пти ёки уни ўзлигидан узоқлаштирмоқдами? Дарҳақиқат, бугунги кун педагогикаси ол-дида турган энг долзарб вазифа фақатгина би-лим бериш эмас, балки ўқувчиларда рақамли компетентлиқни, рақамли маданиятни ва ахбор-от хавфсизлиги кўникмаларини шаклланти-ришдан иборат бўлмоғи лозим.


Рақамли компетентликка шунчаки компь-ютер ёки смартфондан фойдалана олиш қо-билияти сифатида қараш тор ва юзакли ёнда-шувдир. Аслида, мазкур тушунча анча кенг қамровли бўлиб, у ахборотни излаш, таҳлил

тармоқларда фикр билдириш маданияти, би-ровларнинг шахсиятига тегмаслик, муаллиф-лик ҳуқуқини ҳурмат қилиш каби жиҳатлар рақамли фуқаролиқнинг асосий белгилари-дир. Ёшларимиз англаши керакки, виртуал олам масъулиятсизлик ҳудуди эмас. Интер-нетда қолдирилган ҳар бир из, ёзилган ҳар бир сўз инсоннинг шаъни ва обрўсига дахлдор экан-ини уларнинг онгига сингдиришимиз лозим. Миллий ўзлгимиз, қадриятларимиз ва урф-одатларимизни рақамли форматда ҳам сақлаб қолиш ва тарғиб этиш, глобаллашув тўлкинида ўзлгимизни йўқотиб қўймаслик рақамли тар-биянинг бош гоёси бўлмоғи керак.

Таълим муассасаларида рақамли муҳитни тўғри ташкил этиш — ўқув жараёни самарадор-лигини оширишнинг гарови. Мактабларнинг

қилиш, унинг ишончилигини баҳолаш ҳамда рақамли воситалар ёрдамида янги мазмун яра-та олиш лаёқатини англашди. Бугунги ўқувчи-дан интернет тармоғидаги чексиз маълумотлар уморонида “чўкиб” кетмаслик, аксинча, ўзига керакли дурдоналарни ажратиб олувчи моҳир ғаввос бўлиш талаб этилади. Афсуски, кўп ҳолатларда ёшларимиз гаджетлардан фақат кўнгилочар восита, ижтимоий тармоқларда вақт ўтказиш ёки ўйин ўйнаш манбаи сифа-тида фойдаланиш билан чекланиб қолмоқда. Ваҳоланки, технология инсон ақлий салоҳия-тини кенгайтирувчи, ижодий имкониятларни юзга чиқарувчи қудратли восита бўлиши ке-рак. Бизнинг асосий вазифамиз эса истеъмолчи авлоднинг бунёдкор авлодга айлантириш, уларга технологияни бошқаришни ўргатиш ва техно-логия уларни бошқаришига йўл қўймасликдан иборатдир.

Рақамли таълим муҳитида ўқувчилар хавф-сизлигини таъминлаш масаласи алоҳида ва ўта жиддий мавзу. Глобаллашув жараёни тез-лашгани сари ахборот хурружлари, ёт гоғлар ва зарарли контентларнинг ёшлар онгига таъсири хавфи ҳам ортиб бормоқда. Интернет тармоғи ч



Кўнгилларга маърифат, адабиёт ва тарбия улашган нашр

Бошланиши 1-бетда

Бугун мамлакатимизда хотин-қизларнинг иқтидорини рўёбга чиқаришга кўмаклашиш учун қўлай шароит яратиш, ижтимоий ҳаётда фаоллик кўрсатаётган опа-сингилларимизни муносиб рағбатлантириш борасида кенг қамровли ишлар бажарилмоқда. Жумладан, турли соҳаларда имтиёз ва имкониятлар яратиш учун қўллаб-амалий механизмлар йўлга қўйилмоқда. Бу сайёҳ-ҳаракатлар хотин-қизларнинг сиёсий, ижтимоий-иқтисодий, маданий-маърифий фаоллигини оширмоқда.

Шунингдек, оила институтини мустаҳкамлаш, хотин-қизларни ҳар томонлама қўллаб-қувватлаш, уларнинг ҳуқуқ ва имкониятларини кенгайтириш йўналишидаги кенг қўламли ишловотлар инсон қадрини улуғлаш, оила тинчлиги ва маънавий барқарорлиқни таъминлашга хизмат қилаётир. Бугун мана шу мавзуларнинг барчаси “Саодат” саҳифаларида ўз ифодасини топомқда.

Йигилишда сўзга чиққанлар журнал мундарижасида минглаб хотин-қизларнинг орзу-интилиши, тақдири ва ютуқлари акс этиб, ҳақиқий маънавият ва маърифат минбарига айлангани, тахририят жамоасининг фидокорона меҳнати ва доимий ижодий изланишлари туфайли журнал давр билан ҳамқадам бўлиб, миллий қадриятларимизни замонавий руҳда ўқувчиларга етказиб келётганини таъкидлади.

Ўзбекистон Ёзувчилар уюшмаси раиси, халқ шоири Сирожиддин Саййид, Ўзбекистон халқ шоири Маҳмуд Тоир, Ўзбекистон Журналистлар уюшмаси раиси в. б. Ҳолмурод Салимов, “Саодат” журнали бош муҳаррири Мунаввара Усмонова ва бошқалар бугунги глобаллашув шароитида “Саодат” журнали давлат томонидан қўллаб-қувватланаётгани ва муносиб рағбатлантирилаётганини қайд этди.

Тадбирда тахририят жамоасига Президентимизнинг махсус совғаси — “BYD Chazor” автомашинаси топширилди.

Гуличехра ДУРДИЕВА,
“Янги Ўзбекистон” мухбири

“САОДАТ” САНАМЛАРИ

“Саодат” журналининг 100 ёшига

Сизни ўйлаб қалбим тутган кўрда кўйдим,
Айтар сўзим айтмай туриб, болин туйдим,
Онам, опам, синглим дебон сизни сўйдим,
Қошларидан ранг олгандир қаламлари,
“Саодат”нинг садоқатли санамлари.

Ватан деса, қўёшлардан қароқлари,
Дуо қилса дур тутатди дудоқлари,
Эй миллатим маърифатин чироқлари,
Сувдан тиниқ мухаббатнинг маҳрамлари,
“Саодат”нинг садоқатли санамлари.

“Саодат”нинг тамал тошин қўйган аёл,
“Саодат”нинг онасидек суйган аёл,
Бу Тожиҳон Шодиевадир — сўзи ҳилол,
Матбуотнинг жароҳатин малҳамлари,
“Саодат”нинг садоқатли санамлари.

Ойдини бор, Собираси, Хосияти,
Мақсадлари эзгулигининг ҳидояти,
“Саодат”нинг саодати хуш нияти,
Эзса ҳамки ўз дарвининг аламлири,
Собит турган “Саодат”нинг санамлари.

Зулфиянинг номи асли аёл нури,
Унда вафо маликасин висол нури,
Шоир Ҳамид Олимжоннинг хаёл нури,
Соғинч тўқди, сочларининг тарамлари,
“Саодат” бу — Зулфиянинг санамлари.

Маҳмуд ТОИР,
Ўзбекистон халқ шоири

“Ўтган асрнинг 70-80-йилларида “Саодат” журналі республикаимизнинг аёл ижодкорларини ўз атрофида бирлаштирган, қаламқашлар интилган ўзига хос бир орбитага айланган эди”, дейди Ўзбекистон Қаҳрамони Иброҳим Ғафуров.

Муҳтарам УЛУҒОВА,
Ўзбекистон Республикасида хизмат кўрсатган маданият ходими

Бунчалар топиб, ўхшатиб, айнаи далилларга бои моҳиятини ташбеҳлаб ифодалаш фақат Иброҳим Ғафуровга хос дегим келади. Зеро, бу таърифнинг зоҳири жуда чиройли бўлгани каби ботини ҳам кўп жиҳатдан ибратларга бой.

1925 йил декабрь ойида “Янги йўл” номи билан ташкил этилган, 1936 йилдан “Ерқин турмуш”, шу йилдан “Ерқин ҳаёт”, 1950 йилдан “Ўзбекистон хотин-қизлари” ва 1966 йилдан “Саодат” деб аталган журналнинг 100 йиллиги нафақат мамлакатимиздаги хотин-қизлар, балки барча аҳоли учун кутлуг сана ҳисобланади. Зеро, оилада она, собиқ шўролар даврида пахта планташларида кетмончио теримчи, санаот ташкилотларида эркаклар билан теппа-тенг меҳнат қилган ишчи, уруш йилларида тоғганини фронтга юборган фидойи, урушдан кейинги йилларда олис жанг майдонларида шахид кетган отаси, боласи, акаси, укасини жудолик азобу изтиробларини сабру қаноат, меҳнату ижодкорлик билан енгган матонатли аёл “Саодат”нинг қаҳрамонлари бўлган.

Бир аср давомида юртимиздаги барча хонадонларга ҳар ойда “Саодат” журналі кириб бургани ҳақидаги маълумотда заррча муболага йўқ. Қўшни республикаларда ҳам минглаб муҳлисмуштарийси бор эди “Саодат”нинг.

Бу қадр оммавийлигининг сабаби журнал аёллар ҳаётига, қалбига, уларнинг ўзига хос дунёсига кириб бурганидир. “Саодат” ҳар доим фарзандини соғлом, чиройли тарбияли қилиб улғайтиришни истаган она, рўзгорининг осойишта, саранжом-саришта бўлиши учун тиниб-тинчимаган муҳаббатли, садоқатли бека, онасио қайнонасини рози қилиб бахтиёр бўлган қизу келин, хуллас, аёл дунёсига ақин сирдош, ҳамдаму ҳамқадам бўлиб келди.

Журнал тарихини, унда фаолият кўрсатган хўрматли касбдошларимиз шахсини ўрганганининг сайин бир фикр қатъийлашиб боради. Бу даргоҳ меҳру оқибатли, эътиборли, зиёғ интилан, ҳар қандай вазиятда нонини бўлишиб ейишга тайёр, ўнг қўли қилган яхшилигини чап қўлига сездирмасликка уринадиган ижодкорлар маскани бўлиб келган. Бош муҳаррир ўринбосари бўлиб ишлаган Холида опа Ахророва, Аллоҳ раҳмат қилсин, бундай воқеани гапириб берганди:

“Урушдан кейин Петербургдан юртимизга эвакуация қилинган журналист Любовь Стрельцова биз билан ишлай бошлади. У жисмонан ҳам, иқтисодий жиҳатдан ҳам жуда толиққан эди. Баҳонаю сабаблар ўйлаб унга ёрдам берардик. Пойабзали ҳам жуда эски эди, аммо у нечанчи ўлчамали оёқ кийими кийишини билмасди. Ҳаммамиз битта хонада ишлардик. Бир куни гаплашиб ўтирганимизда бош муҳарриримиз Зулфия опа худди қизикқан каби барчанинг оёқ кийими ўлчамини сўраб чикди. Шундай қилиб, Любанинг оёқ ўлчамини билиб олдик ва унга пойабзал харид қилиб, иш столининг кутчасига солиб қўйдик. Эртасига ишга келган Стрельцова жойига ўтириб, столи қутиси эшигини очиб қаради-ю, кўзларидан дувиллаб ёш оқиб, ўпакси тўлиб йиғлай бошлади. Шу заҳоти Зулфия опа унинг ёнига бориб, елкасига қўлларини қўйди: — Худо ҳаққи, Люба, бизни кечиринг, сизни сира хафа қилмоқчи эмасдик... — Йўқ, йўқ, хафалигимдан йиғламайман, — деб гапни бўлди аёл. — Мен шундай ажойиб, меҳрибон, эътиборли одамларнинг орасига келиб қолганимдан, хурсандчилигимдан юрагим тўлиб кетди...”

“Саодат” саҳифалари ҳамма даврларда ёши, қизкиши, хосасидан қатъи назар, барча ўқувчиларини бефарқ қолдирмайдиган, эзгулик излаганларга эзгулик улашадиган рамзий даргоҳ бўлди. Айниқса, фарзанд ва қизларнинг эстетик-гигиеник тарбияси, бичув-тикув, пазандалик мавзуларидаги мақолаю мутахассислар маслаҳатлариға 50, 40, 30 йил муқаддаги “саодат” хошларининг қизқиши, ихлосини бугунги кун опа-сингилларимизга намуна қилса арийди.



Бугун ҳатто ўзбек тили ва адабиёти мутахассиси бўлган айрим ёшларнинг адабиётимиздаги янгилликлар, таниқли ижодкорлар ижодида беҳабарлигидан ажабланасиз. Аммо катта авлод вакилларининг жуда кўпи шеърятга, бадий асарларга қизқишини суҳбатларда дарров англайсиз. Улар “Саодат”, “Тулистон”, “Шарқ юлдузи” журналлари саҳифаларида ўқиган шеърлари, ҳикояларини эслайди, Асқад Мухтор, Саид Аҳмад, Одил Ёқубов, Пиримқул Қодиров, Ўлмас Умарбеков, Ўткир Ҳошимов, Ойдин Ҳожиёва, Ҳалима Худойбердиева, яна кўплаб ёзувчи ва шоирларни мана шу нашрлар саҳифасида босилган асарлари орқали таниганларини айтади. Чингиз Аҳмаров, Ўрол



МЕН КУТГАН ДИЙДОРЛАШУВ
«Саодат» журналининг...



Тансиқбоев, Раҳим Аҳмедов, Баҳодир Жалолов каби мўйқалам усталарининг нозик чизгиларга уйғун гўзаллик, нафосат тарбиялари “Саодат” саҳифаларидан миллионлаб қалбларга кўчди. Айтиш мумкинки, ўтган асрнинг учинчи чорағида адабиётга кириб келган ва ижоди билан ўз ўрнини топган аёл қаламқашлардан аксариятининг биринчи қадами шу журнал саҳифаларидан бошланган.

Забардаст сўз устаси, адабиётшунос олим Иброҳим Ғафуровнинг сўзимиз аввалида келтирилган фикрлари “Саодат” журналининг ўзбек адабиёти, журналистикаси ривожига қўшган салмоқли хиссасининг эътирофидир. Бу фикрни 1977-1990 йиллар давомида шу даргоҳда бўлиб бошлиғи, масъул котиб вазифасида ишлаган йилларимда кўрганларим, эшитганларимга асосланб изоҳламоқчиман.

Уша йиллари ўз даврининг ойдинларидан бўлган таниқли адиба Ойдин Собирова ҳамда заҳматқаш, теран фикрли адабиётшунос олима Музайяна Алавиянинг тарбиясини олган Ўзбекистон халқ шоири Зулфияхоним нашрининг бош муҳаррири бўлиб ишларди. Зулфияхоним айнаи Иброҳим Ғафуров ташбеҳидаги “Саодат” орбитасини ташкил этди. Уша даврда бутун республикамиз матбуот нашрларига журналист кадрларни фақат ЎзДУ — ҳозирги ЎзМУнинг журналистика факультети тайёрлаб берарди. Бошқа бирорта вилоят олий таълим даргоҳларида бундай факультет бўлмаган. Ана шундай даврда устоз Зулфия тахририятга ижодкор ходимлар танлашда

аҳлини доим йўқлаб туришни, улардан янги асарлар кутаётганимизни эслатишни талаб қиларди. “Ҳай, Дилбар Ҳамзахўжаевдан нимага дарақ йўқ, ёзинлар”, “Мен бу кеча Мухаммадхон Раҳмоннинг янги тўпламини ўқиб чикдим. Ажойиб! Уни редакцияга тақдим қилинлар, янги шеърларидан олиб келсин”, “Тоғай Мурод деган ёш йигитнинг хиссасини ўқидиларингми? Бу ёшлар бошқача, дунё адабиётини яхши билади, биз ундай ёзолмаймиз. Шу йигитдан “Саодат”га ҳикоя сўранлар” ... Бунақа эътирофлар, чорловлар, тақлифлар тахририят ҳаётининг оддий ҳодисалари эди.

Бу жамоага келган ҳар бир ёш ижодкор Холида Ахророва, Насима Юсупова, Лайло Салимжонова, Санъатхон Маҳмудова, Роза Сайфиева, Олимжон Эҳтимов (ҳаммаларини Аллоҳ раҳматига муҳассар этсин!) каби ёш улуг ва соҳада ўзининг катта ўрни бўлган устозлардан журналистлик қандайдир бир имтиёз, машхуриликка ўчлик йўли эмас, балки халққа, ватанга ихлос, атрофимиздаги турфа соҳа вакиллари каби садоқат билан хизмат қилиш масъулияти эканини ўрганди.

“Саодат”нинг яна бир сабоғи... Ҳамкасблар бош муҳаррир ҳузурида эдик. Шунда бир сабаб билан Зулфия опа: “Аёлни тушунмайдиган, уни қўллаб-қувватламайдиган, зарур бўлганда ёрдам бермайдиган одамга “Саодат” журналида жой йўқ”, деганди. Ушанда ёш эдим, улғайганим сари бу фикр моҳиятини, жамият ҳаётида қанчалар муҳимлигини чуқурроқ англаб боргандекман. Бу гап жамиятнинг фаолияти, масъулияти хо-

тин-қизлар тақдири билан боғлиқ бўлган каттаю кичик идоралар, ташкилотлар, уюшмалар ходимларига бевосита тааллуқли, назаримда. Кузатишлар, ўрганишлардан англадимки, жамиятимиздаги жуда кўп муаммолар илдиэлари аёлни, онани тушунмаслик, ҳурмат қилмаслик, менсимаслик иллатидан сув ичади. Айниқса, ижтимоий Ҳимояга муҳтож, жисмоний имкониятлари чекланган, маънавий таъйикларга учраган, ҳомиладор, кекса ё касалманд хотин-қизларнинг айнан ўз қавми — айрим аёл раҳбарлар томонидан чеккага суриб қўйилиши, ёрдамга лойиқ қўрилмаслик ҳоллари кам учраса-да, эътиқодимиз, бирдамлигимиз, ўзликка садоқатимизнинг дарз кетган нуқталарига ўхшайди...



Зулфия опадан ҳаётда ҳам, ёзганда ҳам сўзга эътиборлиликни ўрганиш мумкин эди. Кўп гапирмасди, унинг на нуқтада, на сўзлаш оҳангига “Мен фалончиман”, деган маъно ҳеч қачон бўлмаган. Баъзан бош муҳаррир тахриридан чиққан мақоламиздаги тағига чизиб қўйилган сўзларнинг биз дастлаб яхшилаб ўйлаб кўрмаган жоғини, қўшимча бошқача маъно берадиган жиҳати ҳам борлигини англаб қолардик. Лекин бирор марта Зулфия опа нимадангир норози бўлиб овозини баланд кўтаргани, кимнингдир хатоси учун жазолаганини эслолмайман. Барча ишларга ўзи давлат ва инсоний қонулар талабларидан чиқмаган ҳолда ёндашгани каби биз ҳам шу йўлдан боришга ҳаракат қилардик...

Фикрларим исботи учун бевосита ўзим гувоҳ бўлган жараёнлардан айрим мисоллар келтирдим. Ярим асрлик журналистлик фаолиятимнинг илк дарсхонаси “Саодат” журналі тахририяти бўлди, олган сабоқларим ҳамон асқатади.

“Саодат”ни саодатманд нашр этган устозлар анъаналарини Ўзбекистон халқ шоирлари Ойдин Ҳожиёва, Ҳалима Худойбердиева каби таниқли ижодкорлар бош муҳаррир сифатида давом эттирди. Айни кунда ҳам севишли журналнинг Ўзбекистонда хизмат кўрсатган маданият ходими, шоира ва жонқуяр журналист Мунаввара Усмонова раҳбарлигидаги жамоа билан янги даврининг янги қаҳрамонларини элга танитмоқда. Ахлоқу одоб мавзусидаги мақоалар, бадий асарлар намуналари билан аёллар маънавиятини, маърифатини юксалтиришга фаол хисса қўшмоқда.

Юз ёшинг муборак, қадрдоним “Саодат”! Мустақил Ўзбекистоннинг оналари, опа-сингиллари, қизлари тақдири кўзгуси бўлган ардоқли нашримизнинг бугунги бекани янги асарлага ҳар доимгидек очиқ юз, илҳом билан кириб боришни учун кутлуг остона бўлсин!



ГАЗЕТАДАГИ МАТЕРИАЛЛАРНИ ЛОТИН ЁЗУВИГА АСОСЛАНГАН ЎЗБЕК АЛИФОСИДА ЎҚИШ УЧУН МАЗКУР QR-КОДИ СКАНЕР ҚИЛИНГ.